



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Benedictus Redivivus Hoc est: Benedictinj Ordinis
Vetustißimi Amplißimique, Nostra, ac supera ætate
Jmmarcescibilis Vigor, ac Viror**

Bucelin, Gabriel

[Veldkirch], Anno Christi. M.DC.LXXIX.

Anno Christi M.DC.IX.

urn:nbn:de:hbz:466:1-38498

APPENDIX.

Accidit inadvertenti in tanta congerie innumerabilium symbolarum undique & diverso tempore congestarum, ut earundem ad Typum recollectarum, alia ad dictandum segregata maturius ad manum veniret & subinde loco, cui debebantur, exciderent, qua operi deinde inserta confusam seriem annorum effecissent. Credidimus proinde conducibilibus, si partem illarum ad finem operis attingeremus, partem Auctario Menologij nostri insereremus. Paucula proinde damus huic operi convenientiora, qua plurimum doluimus in ordine operis & libri huius suis annis excidisse. Boni consules optime Lector, dum non ingrata erunt, qua haud minimum spectant intentionis nostrae institutum: accendendi Novitiorum non solum animos ad Maiorum studia, sed Seniorum quoque recentissimis exemplis animandorum & recreandorum.

ANNO CHRISTI M. DC. IX.

BENEDICTI REDIVIVI, (memorando sanè rei seriò agendæ monumento) rerum scilicet suarum, ipse fatagit maximus Monachorum Archidux, & Religiosorum omnium Patriarcha Benedictus, qui ipso dictante Numine, & sanctissimæ memoriæ Antistiti Venerabili Annæ de Bois Abbatis Tengeramundanæ revelatione divina instructæ attestacione, auxiliantibus ceteris ordinum diversorum Institututoribus, assiduis & irremissis Precibus Deum optimum Maximum quàm demississimè exorans, iuxta communes Ecclesiæ preces excitari in suis posteris, eandem, cui ipse inseruit, spiritum, similia quoque cæteris efflagitantibus, exauditus est pro sua reverentia, & promissum divinum accepit, id ipsum paulo post futurum, suasquè quas ipse Deus dictaverat Regulas & observari ad amissim velit, & huc usquè ad Regulas humanæ prudentiæ, & ut vocant Discretionis, à sapientibus secundum sæculum minus Religiosis haud minimum violatas merito doluerit, revocandas, nec multo post exemplis recentissimis sanctorum Monachorum accedentibus miraculis Hereses omnes eliminandas, nec prius Europæ pacem & tranquillitatem reddendam, quàm in sua quæ Deo voverunt verba Religiosi omnes conveniant, divino spiritu animum, vires & addituro, quæ ipse sapientissimè servanda dictaverat. Ut videant, qui divini spiritus tantis conatibus ausint contradicere, & laborem in præcepto fingere ad quod observandû omne suum auxilium Deus ipse pollicetur.

ANNO CHRISTI M. DC. XIX.

Vlta excessit mortali ad immortalem sanctæ memoriæ Iacobus Frater con-

versus Monasterij sancti Severini de Neapoli è familia Magliulorum vir planè admirabilis, exemplar singulare stupendæ humilitatis, qui & si in servitio omnium esset, nulli tamen non visus venerabilis, cum omnium non solum amorem mereretur, sed omnem honorem mereri quoque videretur. Oeconomum & Cellarium sui Monasterij egit annis quàm plurimis, & taliter, qualiter divinus Spiritus in Regula sanctissimo Patri nostro dictavit, largus & benevolus in omnes, soli sibi rigidus etiam contra voluntatem Abbatis in Confratres beneficus, quod illorum omnia esse diceret, & cum Abbas ipsum dehortaretur summa cum humilitate claves ad ejus pedes deposuit, & ut alteri ejusmodi imperaret, rogavit cujus eximijs virtutibus victus Abbas ne Deum iuxta offenderet, ut claves reciperet, & ut videretur, liberè ageret, imperavit. Sed de vita huius prolixius in Auctario Menologij nostri. Fuit metuendus Cacodæmonibus, magnis hodiè prodigijs à Deo honoratus.

ANNO CHRISTI M. DC. XX.

COELUM gaudio implet felicissimus ad Superos transitus Venerabilis Viri Iacobi de Graffijs Abbatis ex Congregatione Cassinensi, Viri undequaque Doctissimi, Canonum multo tempore Professoris eximij, omni honore longè dignissimi, singularis Casinatum ornamenti, qui plurimo in vitæ rigore ætatem transfigens, non tam Virginea quàm Angelica puritate, morum summa integritate, admirabili in omnes humanitate, animos omnium intuentium tantumquè Virum cognoscentium rapuit. Fuit Deiparæ Virgini longè devotissimus, omne sabbatum ob ejusdem honorem in pane gregario & aqua jeunans, tantæquæ Tutelaræ honorem apud